

Poštovani,

u ime redakcijskog odbora, uredništva, autora, čitalaca i prijatelja časopisa *Techno Science* čiji je izdavač Fakultet za tehničke studije Univerziteta u Travniku želimo pozvati zainteresirane istraživače, univerzitetske profesore i stručnjake iz tehničkih naučnih oblasti da se prijave za saradnju u ulozi recenzenata.

Dinamika izlaženja *Techno Sciencea* je dva puta godišnje, članci se objavljuju na engleskom jeziku sa sažetkom svakog od članaka na bosanskom. Časopis je registrovan u Nacionalnoj i univerzitetskoj biblioteci BiH (NUBBiH), a njegova međunarodna indeksacija je u progresu - treba nam kontinuitet od nekoliko narednih brojeva u, pomenutoj, dinamici dva broja godišnje da postignemo relevantnu indeksaciju.

Cilj časopisa je promovisanje recentnih naučnih tema iz oblasti tehničkih nauka sa orijentacijom na arhitekturu, građevinu, menadžment u gradnji, grafičke tehnologije, grafički dizajn i multimediju, sigurnost i zaštitu na radu...

Novi broj, nova energija i recentne teme predstavljaju razlog za zadovoljstvo, ali i obavezu da svaki naredni broj bude još bolji, inventivniji. Upravo u tom kontekstu, u želji da stvorimo platformu koja okuplja znanje, inovacije i istraživački duh naše akademske zajednice, ali i šire tehničke i naučne publike Vas pozivamo da učestvujete u ovom projektu. Cilj nam je stvoriti mjesto gdje će originalna istraživanja, stručne analize i ideje iz oblasti tehničkih nauka biti dostupne svima koji žele dijeliti iskustva doprinositi napretku struke, učiti i razvijati se.

S obzirom da je ovo obraćanje intonirano ka definiranju recenzentskog angažmana, od recenzenata se očekuje da, u skladu sa svojom stručnim, naučnim i etičkim renomeom, objektivno i stručno procjenjuju pristigle naučne radove te daju konstruktivne komentare i preporuke autorima i uredništvu.

Obaveze recenzenata su uobičajene za nivo naučnog časopisa kojem stremimo i uključuju procjenu naučne relevantnosti i originalnosti rada, analizu metodologije i naučne utemeljenosti rezultata, davanje stručnih komentara i sugestija za unapređenje rada, poštivanje etičkih principa recenzentskog postupka te, naravno, čuvanje povjerljivosti sadržaja rada.

Stoga, pozivamo sve istraživače i naučne radnike, zainteresovane da kao recenzenti uzmu učešća u razvoju *Techno Sciencea*, da dostave svoje osnovne podatke:

- ime i prezime
- instituciju i akademsko zvanje
- naučnu oblast / područje ekspertize
- kratku biografiju (CV)
- kontakt e-mail

Radujemo se budućoj saradnji i Vašem institucionalnom i ličnom doprinosu razvoju i kvalitetu našeg i Vašeg *Techno Sciencea*.

Srdačan pozdrav,

Glavni urednik
doc.dr.sc. Elvedin Bečić